

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԳՐԱԴԱՐԱՆ **100** ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԳՐԱԴԱՐԱՆ
 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԳՐԱԴԱՐԱՆ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԳՐԱԴԱՐԱՆ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԳՐԱԴԱՐԱՆ,
 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԳՐԱԴԱՐԱՆ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԳՐԱԴԱՐԱՆ ...

Իր ժամանակների վաստակավոր մանկավարժ, հասարակական գործիչ Արսեն Կարապետյանի կյանքի ուղին ազնիվ ձգտումների լուսավոր ճանապարհ էր: Այդ մասին է վկայում թեկուզ նրա ինքնակենսագրության շարադրանքը, իր մարդկային նկարագրի, թերեւս, ամենախոստուն ապացույցներից մեկը, ուր հաճելի զարմանքով, ամեն պահ բախվում ենք ժամանակի ու գործողության ճշգրիտ եւ հետեւողական մանրամասների, որը ոչ այլ ինչ է, քան ազնվաբարո հաշվետվություն՝ իր նիստ ու կացի, իր արարքների, իր նպատակների ու կատարած աշխատանքների մասին: Սեփական անձի եւ իրականության միջեւ սահմանված փոխհարաբերությանը վերին աստիճանի բարեխիղճ մոտեցող մարդը միայն կարող էր այդքան բարեխղճությամբ անդրադառնալ իր անցած ճանապարհին: ...Արսեն Ֆեոդորի Կարապետյանը ծնվել է 1914թ., Վրաստանի Ախալքալաքի շրջանի Կոթելիա գյուղում: Նախնական կրթությունն ստացել է ծննդավայրի տարրական դպրոցում, ապա՝ ուսումնառել Ախալքալաքի յոթամյա դպրոցում, որը չավարտած՝ որպես լավագույն աշակերտ, նշանակվել է հարազատ գյուղի, այսպես կոչված, «Լիկվիդացիոն դպրոցի» ուսուցիչ:

Ուսման ծարավը, այնուհետեւ, նրան նախ դարձնում է Թբիլիսիի Պատանեկան կոմբինատներից մեկի աշակերտ, ապա բերում Ախալքալաքի միջնակարգ «Ինտերնացիոնալ դպրոց», որն ավարտում է գերազանց առաջադիմությամբ եւ 1937-ի սեպտեմբերից դառնում այն օրերին Ստալինի անունը կրող Թբիլիսիի պետական համալսարանի (այսօր՝ Ի.Ջավախիշվիլու անվան պետական համալսարան) արեւելյան լեզուների ֆակուլտետի ուսանող: Ընտանեկան անապահով պայմանները երիտասարդին ստիպում են մեկ տարի անց տեղափոխվել համալսարանի հեռակա բաժնի վրաց լեզվի եւ գրականության ֆակուլտետ, որն ավարտում է 1941-ին:

1938-1939 թթ.աշխատել է Ախալքալաքիում այն ժամանակ գործող մանկավարժական ուսումնարանի հայկական բաժանմունքի վրաց լեզվի եւ գրականության ուսուցիչ, ապա՝ «Ինտերնացիոնալ դպրոցի» ուսմասվար, իսկ 1939-1941թթ.՝ ծննդավայր Կոթելիայի վրացական դպրոցի ուսմասվար: Հայրենական մեծ պատերազմի ժամանակ մարտնչել է խորհրդային բանակի շարքերում: Պատերազմի ավարտից հետո՝ 1945-1951 թթ., եղել է Ախալքալաքի շրջանի ժողկրթբաժվարը, 1956-ից մինչեւ կենսաթոշակի անցնելը՝ 1974թ., զբաղեցրել է Ախալքալաքի վրացական դպրոցի տնօրենի պաշտոնը:

Արսեն Կարապետյան մտավորականի աշխատանքային հարուստ ու բովանդակալից տարեգրության անբաժանելի մասը նրա հասարակական գործունեությունն է: 1960թ.-ից նա ղեկավարել է հանրապետության մանկավարժական եւ պատմական միությունների շրջանային բաժինը:

Արսեն Կարապետյանն արժանացել է ԽՍՀՄ մի շարք զինվորական ու քաղաքացիական բարձր պարգևների, «Ժողովրդական կրթության առաջադիմության» կրծքանշանի, ստացել՝ Վրաստանի ԽՍՀ դպրոցի վաստակավոր մանկավարժի կոչում: Համբավավոր մանկավարժն ունեցել է նաեւ գրական նախասիրություններ:

Արսեն Կարապետյանը մահացել է 1995 թվականի նոյեմբերի 15-ին, 81 տարեկան

հասակում:

Ասենք, որ նա ուներ հիանալի ընտանիք, եւ նրա որդիները եւս այսօր Ախալքալաքիում ճանաչված ու հարգված մարդիկ են. Նարցիսը տեղի ռեսուրս-կենտրոնի պետն է, Թամազը՝ Վրաստանի բնապահպանության նախարարության Սամցխե-Ջավախեթիի ազգային արգելանոցի տնօրենը, իսկ դուստրերը՝ Ջեմֆիրան եւ Գյուլնարան, վրաց լեզվի ճանաչված ուսուցչուհիներ են:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱԽԱՐԱՐՈՒԹՅԱՆ ՍԵՐՎԻՍ